

2 Timoteo

Mamabũinore soyũiyebu Pablo b́acu ũi toivaicõjeiye b́aquede ýobocayoca paperayocare Timoteo b́acũre. Pablo b́acu judíovacacu b́acũvacari, Jesús ũi ýavaiye méne beorĩ soyũicõjeimũ marejaquemavũ, soyũscũyũ ũi ýavaiye méne judíova ãmevũre, judíova ne jũ abe boje ũi soyũiyede. Lucas b́acu soyũrejaquemavũ Pablo b́acũi borore Hch 7:57-8:1, 9:1-31, 13:1-28:31, aru Timoteo b́acũi borore Hch 16:1-3, 17:13-16, 18:5, 19:22, 20:4. Caiye areyoca doce raiyoca Pablo b́acũi toivaicõjeiyoca úre toivacaipõescũ b́acũre ũi paperayoca c̃riyocare Majerascũ Jũmenijicũi ýavaiye mamaene soyũitucubo jívñi javede toivaicõjeneaquemavũ ũi toivaicõjequiyede jipocare diyoca ũi b̃yojaiyocare. Pablo b́acu soyũrejaquemavũ úre toivacaipõescũ b́acũre aipe ũi toivacaquiye b́aquede diyocare. Toivaicõjeneaquemavũ diyocare ãniñjũ b́acarõre 64 d.C., ũi c̃uede ãmeina teivũre jēni jacoĩñami Roma ãmicũriĩmaroi, ũi yaiquíye jipojĩcai. Dinũmũre Lucas b́acu quécũ dajocabedejaquemavũ Pablo b́acũre (4:11).

Pablo b́acu toivaicõjeneaquemavũ diyocare ũi coreónaviyede maume jabova ne boarĩ jarũvaquimũre. Parũre ñaiyũrejaquemavũ Timoteo b́acũre ũi ũmei aru ñaicõjeneaquemavũ aipe ñaiye jarũõre ã ḿacũre (1:3-14, 2:1-13, 3:14-4:2, 5). J̃ari coreicõjeneaquemavũ ã ḿacũre arevũ ne bueiye j̃ave ãmene (1:15-18, 2:14-3:9, 4:3-4). Soyũrejaquemavũ aipe vaiye b́aquede ã ḿacũre

(3:10-13, 4:6-8, 14-18). Aru daicōjenejaquemavũ Timoteo b́acũre Marcos b́acũque ñi yebai ñi c̃aveque (4:9-13, 21).

Pablo ñi meaicōjeino Timoteore

(Hch 16.1; 1 Ti 1.2)

¹ Yũ, Pablo, toivaicōjeivũ apesũre iyoca pa-perayocare. Ýabu Jesús ñi ýavaiye méne beorĩ coyicōjeimaracacũ. J́amenijicũ ubi ji coyuiyede p̃devare, ne majinajiyere ayũ ñ c̃ure đacũyũre caivũ ina Jesũre jũ aip̃devare Jesucristoque j́aravũ c̃ũiméj́aravũ baquinóre.

² Mũ, Timoteo, yũ meaicōjeivũ mũre, ji amũre, jímacũre páyũre. Majeracũ J́amenijicũ, maje jabocũ Jesucristomaque, mearo đacajacũrĩ mũre bojecũbeda ñi me boje. Aru c̃omaje ãroje j́ajacũrĩ mũre. Aru torojũrĩ c̃ure đajacũrĩ mũre c̃arijimesũva.

Pablo ñi coyũino p̃devare Cristorã

(Hch 16.1; 1 Ti 2.7)

³ Yũ torojũede jívnũ J́amenijicũre, ji memecaimũre, “Boropatebevũ yũ”, ji arĩ d́aríaiyeque, nóre jíñecũva mácavũ máre ne úre memecaiye báquepedeca. Ji j́enaiyedeca J́amenijicũque j́aravũre aru ñamine máre ãrũvũ mũre cainũmũa.

⁴ Ārũvũ mi oiye báquede. Que baru urarõ j́aiyvũvũ mũre cojedeca, torojũcũyũ ji baju.

⁵ Ārũcũbu yũ mi jũ aiye báquede Jesũre j́ãve. Matamũre miñeco Loida aru mipaco Eunice máre jũ arejaima Jesũre. Aru j́ãve majívnũ yũ mũre máre jũ ayũre úre.

6 Que baru ãruicõjeivũ mure Jũmenijicũ jíye báquede bojecũbeda jí tũoiyede mure jí purũáque mi jíprobũrã, mi ðaquiyere ayũ yóre Jũmenijicũ urõpe.

7 Aru Jũmenijicũ daroibi majare ñai Espíritu Santore. Ɔ jíðare ðabecũbe majare. Quénora parure ðaibi majare, maje ũmei memecarãjiyere ayũ me Jũmenijicũre. Ɔre ðaibi majare Jũmenijicũre aru põevare máre. Aru majide ðaibi majare maje oaburĩ coreivũ maje bajure coreóvaivũva me.

8 Que baru cũyebejacũ mũ iye maje coyũiyede maje jabocũ Jesucristorã. Aru cũyebejacũ yũre máre, bũoimũ cũcũreca úre boje. Quénora yũvacari ñãjiyũbecũ ãmevũ jí coyũiyede boje Jesús ũi yávaiye méne, mũ máre ñãjiyũbecũ cũbejacũ mi coyũiyede boje Jesús ũi yávaiye méne. Napíjacũ mi ñãjiyede Jũmenijicũ parũéque.

9 Jũmenijicũ meaðaibi majare aru cutuibi majare máre, maje meara baju barãjiyépe ayũ. Ɔbenita die boje maja memecabevũ úre. Quénora Jũmenijicũ mearo ðacaibi majare bojecũbeda nópe ũi ðaiyũe boje. Javede ijãravũ búquiye jílocai, Jũmenijicũ majidejaquemavũ meaðacũyũre majare Jesucristoi ðacaquiye boje.

10 Aru ñai meaðaipõecũ Jesucristo ũi daiye báquede ijãravũ, Jũmenijicũ jãðovaimi ũi mearo ðacaiye bojecũbeda majare. Jesucristo ãmei vaibéde ðaibi majare maje yaijũroede. Que baru yaidé ðainore jíðé jaũbevũ majare. Aru Jũmenijicũ jãðovaimi maje jũ aiyede Jesús ũi yávaiye méne cũvarãjivũre jãravũ cũiméjãravũ baquinóre aru apebaju pojebebajure máre.

11 Yávacari Jāmenijicai epeimamu, coyucayu Jesús ũi yávaiye méne aru buescayu pðevare diede máre. Que baru Jesús ũi yávaiye méne beoŕi coyucðjeimamu yu.

12 Que baru ñájivu yu caride buoimape. Ubenita cayojarð cাবেব্ৰা য়ে. Que baru coreóvaivu yu ñai Jesucristore, ji ju aimare. Aru jãve bíjaroicðjemecayume ũ iye ji memecaiye báquede ũre cainuma. Que majivu yu jãve.

13 Cainuma coyajacu mu iye yávaiyede jãvene cūináturu ji coyuiyere mi járiaiye báquede. Ju ajacu Jesúre. Aru ujacu Jāmenijicare, pðevare máre, mi cae boje Jesucristoque cūinávure.

14 Jāmenijicu coyucðjeimi mare iye yávaiye méne, arevu ne oatvabenajiyere ayu diede. Ñai Espiritu Santo múque cacu cadatecayume mare, me mi coyucuiyere ayu Jāmenijicai yávaiye méne.

15 Mu coreóvaivu caivu ina Jesúre ju aipðeva Asia āmicurijoborðcavu javede dajocavure yure, aru pucarã nácavu ne āmiá Figelo aru Hermógenes máre.

16-17 Ubenita Onesíforocapūravu ũi edaiyede Roma āmicuriīmaroi, cūiná vore cuquemavu uetubecava pu yure earita. Aru obedijāravua torojure dāme yure, cayojarð care dabecu ji cuede ne buoimape. Que baru cōmaje āroje jājacurī maje jabocu Jesucristo Onesíforo jivure.

18 Mávacari coreóvaivu me aipe Onesíforo ũi cadateiye báquede urarð majare, curivu bácvure Éfeso āmicuriīmaroi. Que baru ānijāravu, Jāmenijicai ñájiovaquijāravu baquinóre pðevare, ne āmeina teiye boje, cōmaje āroje jājacurī Onesífore

máre.

2

*Jesucristoi churara meacu
(Mt 10.33; Lc 12.9; 1 P 5.1)*

¹ Mъ, jímacureca páyu, parure đajacu mi baju mi ũmei Jesucristoi mearo đacaiye boje mъre bo-jecъbeda.

² Aru iye ji соуъiyede mi járiainoi obedivъ рđeva ne járiaiyede bueicđjejacу мъ ũmъva mearare, mi majimarare aru bueni majidivъre máre, ne buena-jiyere ауъ аревъ рđevare máre.

³ Narijacу уъре ñъje ñájiyede Jesucristore boje уóre churara meacu ũi ñájiyede nariyere.

⁴ Đajacu уóre churarape. Ñai churara đaibi уóre ũi jabocу, ũre órejayу бáсъ, ũi urđre. Que baru ũ memecayъvacari ũi jabocure memecaiyurđdubebi churara āmecure. Quédeca мъ Jesúre memecayъvacari memecabejacу аресъre mi jabocure.

⁵ Aru đajacu уóre cúyayъre. Nopedeca ñai yajuirđescу máre eabebi yo ũi yajuino bojede ména, đabecу baru уóre yajuirđevare ne cđjeiyere. Quédeca мъ đayу baru уóre Jesucristoi đaicđjeiyere, съvacууmи no bojede.

⁶ Aru đajacu уóre jiore máre memehъre. Ñai memeipđescure ũye jaъvъ caivъ jipocamia die ũi oteiye báque jêinъmъre ũ jie baquiyé, ũi urarđ memeiye báque boje. Quédeca мъ memecayу baru Jesucristore ъetъbecъva, съvacууmи mi bojede.

⁷ Me dáriajacu мъ caiye ji соуъiyede. Mi me dáriaru diede, maje jabocу Jesús járiarđ eare đacууme mъre caiyede.

8 Ārūjacu mu űai Jesucristore, Jūmenijicui nacovaimu mǎcure yainore jaruvarĩ aru űai jabocu David bǎcui pǎramecure máre. Ői yávaiye méne coyuyubu yu pǒevare.

9 Aru iye yávaiyede ji coyuiye boje űájivu yu. Carita arevu maucvarivubu yure buoiyeta tǎumeaque yui āmeina teivure jēni jacoĩnami jívui āmeina đayure. Őbenita űame buojabecube buoyure đayu Jūmenijicui yávaiye méne.

10 Que baru napivu yu caiye iye űájiyede náre boje, ina Jūmenijicui beoimarare, Jesucristo űi meadaquiyepe ayu náre máre, ne curǎjiyepe ayu úque űi curǒ pǎeno mearo cavarǒi cainumua.

11 Jǎvetamu iye.

Dabevu maja yópe maje đaiye báquepe maje ju arǎjiye jipocare Jesúsre. Que teni yaivu bǎcavurebu maja Cristoque. Que baru curǎjaramu maja úque.

12 Aru napivubu maja maje űájiyede. Que baru jabotenajaramu maja úque. Őbenita maje ju abedu úre, ű máre ju abecuyume majare coara.

13 Aru maje ju abedu úre, úcapǔravu đacuyume majare yópe űi aiye báquepedeca, đacuyu ina úre ju abevure. Que baru űi baju, “Que āmevu”, arĩ buojabebi ű.

Jǎvetamu die.

*Μετεῖρθεσθε μεασθε
(Jn 10.14; 1 Co 8.3)*

14 Ārure đare đajacu mu ina bueipǒevare iye ji coyuiyede mure. Coreóvare đajacu náre Jūmenijicui jǎinoi, ne jarabenajiyepe ayu ne baju

aibe aiyurõre ne yávaicamuaque. Bueipõeva ne jaraiye boje, cãbejebu die. Quénora ne jaraiyeque ãmedadama ina jápiaivure náre.

15 Méneca ðarĩ jájacu, cуcуу Jūmenijicui jáinore úre memecayu ñi ju aimupe. Que teni cуyebecubu mu mi bueiye boje me Jūmenijicui yávaiyede. Aru buejacu põevare yávaiyede jávene.

16 Ubenita buebejacu iye ijãravuque couuiyede pueðabede Jūmenijicure aru ãrumene máre. Ina nóre bueivu rueno ãmenape baju nuivubu na.

17 Aru ne bueiyeque ãmeina ðaivubu arevure nóre ñai ijim rujeiyeque rueno ãmecu baju ñi nuiyere. Pucará nóre buedama, ne ãmiá Himeneo aru Fileto máre.

18 Ina ðajocaðama ne ju aibe báquede iye yávaiyede jávene. Borocurĩ, yóre arĩ, “Javeta Jūmenijicu nacovaquemavu põevare yainore jaruvarĩ”, ubenina arĩ couuivubu na. Que teni cãrijovaivubu arevure, ne arãjiyere aivu, “Majibevu ñuja aibe jauõre ñuje ju aiyede”.

19 Ubenita ñame buojabema oatuvaivu iye Jūmenijicui yávaiyede jávene. Que baru ñame buojabema bíjare ðaivu Jūmenijicui ðaiyede. Jūmenijicu paru ðaibi ñi põevare ne ũmei. Aru jáðovaimi diede ñi toivaicõjeiye báquede ñi yávaiyede, yóre arĩ: “Maje jabocu Jesús majibi ũ jinare. Que baru caivu ina aivu, ‘Jesucristobe ji jabocu’, ðajocajarãri na ne ãmeina teiyede”, arejaquemavu Jūmenijicu.

20 Cūrami uraðãmi jívure jorogua ure cuvũ. Apeña úruque ðaidua aru plataque ðaidua máre, ubenita apeña jocuque ðaidua aru joboque ðaidua máre cuvũ. Diduáre úruque, plataque

máre, daidũa bojecuridũaare, ñai cãrami upacũ epeicõjeñme ñi yebai curãdaivũre. Æbenita didũare jocũque aru joboque máre, daidũa bojecubedũaare, epeicõjeñme cãramicavũre.

²¹ Que baru ñai põescũ dajocayũ baru ñi ãmeina teiyede, memecasũyũme me maje jabocũre. Æi mearo ðaiye boje, põeva pueðarãjarama maje jabocũre, nopedeca didũa bojecuridũaque ñai cãrami upacũ pueðaiyere ñai úre jãcũdayũre. Que teni ñai Jũmenijicũre memecayũ me, coreibi ðacũyũ caino memecaino mearore cainũmũa.

²² Que baru ðabejacũ mũ ãmenore yóre arevũ bojvũ ne ðaiyere ne baju ƣõpe. Quénora mearo ðarĩ jãjacũ, ðacũyũ mearore Jũmenijicũi jãinoi cainũmũa, aru jũ acũyũ Jesús ñi yávaiye méne, ƣcũyũ Jũmenijicũre aru põevare máre, aru cãrijimescũyũ náque, ina jẽniaivũ maje jabocũre, ñi caðatequiyepe ayũ náre aru cãrivũre ne dápiaino mearoque máre.

²³ Jápiarĩ aðabefacũ mũ arevũ ne coyũiyede bojecubede aru ãgũmene máre. Nácapũravũ me coreóvabevũbu. Æbenita múcapũravũ coreóvaivũ põeva yóre coyũivũre, jararĩ búgãjivũre.

²⁴ Æbenita ñai memecayũ Jũmenijicũre jaraiye jaubevũ úre arevũque. Quénora caivũque põescũ meacũpe bajacũrĩ. Aru buejacũrĩ me. Narijacũrĩ jarabescũva põevaque máre.

²⁵ Que teni buejacũrĩ dũibareca põescũ meacũpe ina maucãvarivũre Jũmenijicũi yávaiye méne. Que ðaru, Jũmenijicũ náre oatũvare ðacũyũme ne dápiainore, ne jũ arãjiyepe ayũ ñi yávaiyede jãvene.

²⁶ Que teni nácapũravũ dupini nũjebu ñai abu-

juvai jabocure jocarĩ. Ɛme náre jẽñu mácu yópe doriñu jẽiyere moare. Ɛi jujovaiye báque boje, cuvabi náre ãmeina teivure, náre ðare ðacuyũ úi urõpe.

3

Aipe põeva ne ðarãjino buojaquijãravua baquiyéde

¹ Coreóvajacu mu iyede. ãnijãravua buojaquijãravua baquiyéde, Cristoĩ copaidaquijãravu baquinó jipocai, põeva ãmena maiyójare ðarãjarama arevure.

² Yópe ðarãjarama na, ina ãmena. Ne baju urãjarama. Aru jecurãjarama tãuturare. Dápiarãjarama ne baju mearape arevu rueno. Arãjarama, “Mearamu ñuja arevu rueno”. Aru ãmeina yávarãjarama. Jueðova ju abenajarama nébucuvai soyiyede. Jíbenajarama torojuede. Aru pueðabenajarama Jümenijicure máre.

³ Jecubenajarama névure. Aru cõmaje ãroje jámenajarama arevure. Yávarãjarama borocuede arevui borore. Oarĩ corebenajarama ne baju ðaiyuede. Jijecurãjarama. Aru ubenajarama caino mearore máre.

⁴ Jëni jínajarama põevare ne mauvare. Aru ðarãjarama arumevure. Dápiarãjarama ne baju majidivure caiyede arevu rueno. Jümenijicui urõpe ðabenajarama na. Aru soyubenajarama úre. Quénora ðarãjarama soyurãjivu ne baju yópe ne baju urõpe.

⁵ Arevu põeva ne jáiyede náre ðarãjarama yópe ina mearore jívu Jümenijicure ðaiyere. Ɛbenita

Jūmenijicure parure đaicōjemenajarama ne ũmene đarājivᵛ yópe ũi ᵛrōpe.

Dupini nujacᵛ mᵛ nápe paivᵛre jocarī.

⁶ Apeᵛ nácaᵛ đuibajīeneca ecoicōjene đaiᵛbu nápe apeᵛ ne cūramiai, jᵛjovarājivᵛ nomiva āᵛmeᵛre. Ina nomiva, ne dáríaiye ámeque đaiye boje, đaiᵛrivᵛbu āmenore ᵛrarō.

⁷ Cainᵛmᵛa járiaivᵛbu obedivᵛ pōeva ne bueiye mamaene. Ũbenita ye bᵛjabema coreóvaivᵛ áde yávaiyede jāvene.

⁸ Yópe ina yaviva bácavᵛ ne āmiá Janes aru Jambres ne maucᵛvae báquepe Moisés bácure, nopedeca na máre, ina jᵛjovaiᵛ nomivare, maucᵛvarivᵛbu iye yávaiyede jāvene. Dáríaiᵛbu āmenore cainᵛmᵛa. Aru Jūmenijicui jarᵛvaimaramu na, ne jᵛ abe boje iye yávaiyede jāvene.

⁹ Ũbenita obedivᵛ pōeva coreóvarājarama aipe ārojarivᵛre náre. Járajarama náre āᵛmeᵛre, yópe ne jāiyere ina pᵛcarā Moisés bácui mauva mácaᵛre paivᵛre.

*Pablo ũi cōjeino yóbocarō baju Timoteore
(Hch 13.14-52; 14.1-20)*

¹⁰⁻¹¹ Ũbenita múcapūravᵛ coreóvaivᵛ aipe ji bueiye báquede, aru ji đaiye báquede, ji đaiye báquede, ji jᵛ aiye báquede Jūmenijicure, ji napiye báquede, ji ᵛe báquede pōevare, aru ji ñájiye báquede máre. Mᵛ coreóvaivᵛ aipe ina Antioquía, Iconio, aru Listra āmicᵛrīmaroacavᵛ ne ñájine đaiye báquede yᵛre. Ne ñájine đaiyedeca yᵛre, cainᵛmᵛa napinejacacᵛ yᵛ. Aru maje jabocᵛ Jesucristovacari meadarejame yᵛre cainᵛmᵛa.

12 Jãve caiᵛᵛ ina meara maiyᵛᵛrivᵛᵛ Jũmenijicᵛᵛi jãinoi cᵛᵛrivᵛᵛ Jesucristoque cũinánᵛᵛre ñájinajarama na.

13 Æbenita ina pᵛᵛeva ãmena aru ina jᵛᵛjovaivᵛᵛ märe pᵛᵛeno ãmena nᵛᵛrajarama na. Jᵛᵛjovarãjarama areᵛᵛre. Aru náre märe jᵛᵛjovarãjarama pᵛᵛeno baju.

14 Æbenita mácapũravᵛᵛ dajocabejacᵛᵛ mi jᵛᵛ aiyede caiye iye mi bueiye báquede. Majivᵛᵛ mᵛᵛ jãve diede. Que baru mᵛᵛ coreóvaivᵛᵛ ina märe bueivᵛᵛ bÁCavᵛᵛre iye yávaiyede jãvene.

15 Aru mᵛᵛ coreóvaivᵛᵛ jᵛᵛedocᵛᵛ cãreja, caride märe, majicᵛᵛre iye Jũmenijicᵛᵛi toivaicᵛᵛjeiye báquede ãi yávaiyede, mi majiquiyere ayᵛᵛ Jũmenijicᵛᵛ meadacᵛᵛyᵛᵛre märe, mi jᵛᵛ aiye boje Jesucristore.

16 Caiye iye Jũmenijicᵛᵛi yávaiyede úvacari toivare ðarejaquemavᵛᵛ ina úre toivacaiᵛᵛ bÁCavᵛᵛre. Que baru ãi yávaiye bojecᵛᵛᵛᵛ majare, maje buenajiyere aiye iye yávaiyede jãvene, aru maje coreóvarãjiyere aiye maje ãmeina teiyede, aru maje oatᵛᵛvarãjiyere aiye maje ðaiyede, aru maje majinajiyere aiye aipe ðaiye jaᵛᵛᵛre, cᵛᵛrãjivᵛᵛ meara Jũmenijicᵛᵛi jãinore.

17 Ñai Jũmenijicᵛᵛre memecayᵛᵛbe nóre ðarĩ me majini, napini coreyᵛᵛ, ðacᵛᵛyᵛᵛ caiye méne.

4

1 Caride majeracᵛᵛ Jũmenijicᵛᵛ, maje jabocᵛᵛ Jesucristomaque, jápiaibi iye ji soyᵛᵛiyede märe. Jesucristo copaidacᵛᵛyᵛᵛme ijãravᵛᵛi. Ñájine ðacᵛᵛyᵛᵛme pᵛᵛeva arᵛᵛrivᵛᵛre aru yaivᵛᵛ bÁCavᵛᵛre märe, ne ãmeina teiye boje. Aru jabotecᵛᵛyᵛᵛme caiᵛᵛ pᵛᵛevare.

Que baru paꝛaꝛõreca ðaicõjeivũ yũ mãre yõre ji soyũiyere.

² Soyũjascũ Jesũs ãi yãvaiye mẽne põevare. Me jãri coreni buejascũ náre cainũũa, ne járiaiyũru aru ne járiaiyũbedu máre. Soyũjascũ mã põevare aipe ne ãmeina teiyede. Aru dajocaicõjejascũ náre diede. Buejascũ aipe ðaiye jaũrõre náre máre. Aru buejascũ paꝛiyeqe.

³ Eaꝛuiyebu aꝛejãravũã ãmejãravũã. ãnijãravũã baꝛuiyẽde põeva járiabenajarama bueiye mẽne. Quẽnora ne baju ẽrõre vorãjarama obedivũ bueipõevare, ne buenajiyere aivũ náre yõre ne baju járiaiyũere, ne ðarãjiyere aivũ ãmeina teiyede yõre ne baju ẽrõre.

⁴ Que teni járiabenajarama iye bueiyede jãvene. Ëbenita járiarãjarama néñecuva mãcavũi soyũiye báquede.

⁵ Aru paꝛaꝛõreca ðaicõjeivũ yũ mãre cojedeca. Mãcarũravũ ðaicõjejascũ me mi baju, coreõvaũre cainũũa. Paꝛijascũ mi ñãjiyede. Aru soyũjascũ Jesũs ãi yãvaiye mẽne põevare máre. Que teni mi memecaiyede maje jabocũ Jesucristore ðajascũ caiyede yõre mãre ðaiye jaũrõre.

⁶ Aru yũcarũravũ joabejĩnotamu ji yaiquĩno. Mau-mena yũre boarĩ jaũvarãjarama, ji memecaiye boje Jesucristore.

⁷ Iye Jesũs ãi yãvaiye mẽne soyũiyede soyũivũ yũ oabescũvacari. Que teni ðaivũ yũ yõre ñai cúyaũ aꝛevũque ãi cúyaiyere oabescũvacari. Aru iye Jãmenijicũi ẽrõre ðaiyede ðaivũ yũ oabescũvacari. Que baru bũojaiivũ yũ yõre ñai cúyaũ aꝛevũque ãi cúyarĩ bũojaiyere tuũvaĩta. Aru iye maje jũ aiyede

Jesucristore dajocabevu yu. Qué nora ju aivu yu úre cainuua.

⁸ Que baru yóre ñai cúyayu ñi jacoru iyepedeca ñi cúyaiye bojede eayu arevu jipocai, yure máre jícyume maje jabocu Jesucristo ñi daquijāravu baquinóre, ji mearo ðaiye báque boje. Aru yu cūinácara āmevu, quénora jícyume caivu ina úre arivu napini coreivure ñi daquijāravu baquinóre.

Pablo ñi daicōjeino Timoteore

(Hch 12.12, 25; 13.13; 15.37-39; 20.4, 6; Ro 2.6; 2 Co 8.23; Gá 2.3; Ef 6.21-22; Col 4.7-8, 10, 14; Tit 1.4; Flm 24)

⁹ Caride meatejacu, jācdacuyu maumena ji yebai.

¹⁰ Ññ Demas dajocame yure ñi ue boje ijāravuquede aru nuamedā Tesalónica āmicurīmaroi. Crescente nuamedā Galacia āmicurijoborōi. Aru Tito máre nuamedā Dalmacia āmicurijoborōi.

¹¹ Ñai Lucas quécyrabe cyu yáque caride. Vorī davajacu máque Marcure, ñi coreóvaiye boje cadateiyede ji memeinore.

¹² Jarocacu yu Tíquicore Éfeso āmicurīmaroi.

¹³ Mu dayu, davacajacu yure ji pñenocacaje cuitótecajede, ji dajocaino mácaróre Troas āmicurīmaroi, Carpoi cārami. Aru davacajacu ji pperatucuboare aru ji toivaiyocare máre. Úvu yu iye toivaiyocare pñeno baju.

¹⁴ Ñai Alejandro, tāure memeipōecu, ðarejame ararō āmeno yure. Maje jabocu Jesucristo ñájine ðacuyume áre ñi nóre ðaiye báque boje.

15 Que teni mávacari máre me jājacu ģre, ũi maucvnae boje parġrōreca maje yávaiye méne.

16 Mamarumre ji nūiye báquede jabova ne āmeina teivure jēniari jāiñami, couucyu ji đaiye báquede ne boro couarī adaiye báque boje yure, pōescu cubeteame yóvayū yure. Quénora caivū đajocaima yure. Jēniaivū Jūmenijicūque ũi ārumetequiyere ayū yo ne āmeno đaino mácarōre yure.

17 Ūbenita maje jabocu Jesucristo cadateame yure aru parġre đáme yure, ji couūquiyere ayū caiye iye ũi yávaiye méne. Aru cainoa joborđacavū pore cūrivū bācavū jāpiaima diede. Que teni maje jabocu Jesucristo meadame yure ġrarō āmenore jarvvarī, yópe jēni ģyere pōescure yavide jocarī.

18 Que baru jāve coreóvaivū yū maje jabocu Jesucristo meadacūyure yure cainumna. Aru cūre đacūyūme yure ũi meadaimure ũi jaboteinumre cavarō mearo ũi cūđi. Que baru mearore jínajarevū ģreca cainumna, jāđovarajivū ģre meacu bajure. Quédecabu.

Pablo ũi meaicōjeino Timoteojāre

(Hch 18.2, 18; 19.22; 20.4, 21, 29; Ro 16.23; 2 Ti 1.16-17)

19 Meajarari Prisca, aru Aquila, aru caivū ina Onesíforo ũi cūramicavū máre.

20 Ņai Erasto mauteamedā Corinto āmicurīlmaroi. Aru űai Trófimo ijimure đajocacacu Mileto āmicurīlmaroi.

21 Me đarī jājacu, dacūyū ji yebai ġracoro jipocamia. Eubulo, Pudente, Lino, Claudia, aru caivū arevū Jesúre jū airđeva meaicōjedama mure.

²² Maje jabocũ Jesucristovacari cãjacũĩ mũque.
Aru Jũmenijicũ mearo ðacajacũĩ caivũ mũjare bo-
jecũbeda ãĩ me boje. Quénoramu.

Majepacá jūmenijicui yávaiye mamaene coyñitucubo

New Testament in Cubeo (CO:cub:Cubeo)

copyright © 2009 Wycliffe Bible Translators, Inc.

Language: Cubeo

Translation by: Wycliffe Bible Translators, Inc.

Cubeo [cub], Colombia

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cubeo

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses,

please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 29 Jan 2022

dbd749ed-4c37-5cd8-b20e-caf1f8ff5885